



CONCELLO DE POIO

Ref: MC

(Secretaría)

ACTA DA SESION EXTRAORDINARIA, NÚMERO CATROCENTOS SETENTA E CINCO, REALIZADA POLO PLENO DESTA CORPORACION O DIA VINTE E CINCO DE SETEMBRO DE DOUS MIL DOCE.

Na Casa Consistorial de Poio, ás nove horas e corenta minutos do día vinte e cinco de setembro de dous mil doce, baixo a presidencia do Sr. Alcalde D. Luciano Sobral Fernández e coas asistencia dos Srs./as. Concelleiros D. Xulio Barreiro Lubián, D. Xose L. Martínez Blanco, D^a. Silvia Diaz Iglesias, D^a. Alicia Martínez González, D^a. Lidia Salgueiro Piñeiro, D^a. Margarita Caldas Moreira, D. Jose A. Lodeiro Cancela, D. Angel Moldes Martínez, D. Juan José Rodríguez Grandal, D. Alberto Villaverde Méndez, D. Manuel Domínguez Álvarez, D^a. Consuelo Besada Lores e D. Gregorio L. Agís Gómez; actuando a Secretaria Acctal. do Concello D^a. Consuelo de la Peña Costoya como delegada da Xunta Electoral de Zona. Reuníronse en primeira convocatoria para realizar a sesión extraordinaria correspondente ó día de hoxe e para a que foron previamente citados en tempo e forma. Pola Presidencia declárase aberta a sesión, para tratar os asuntos que figuran na Orde do Día.

3721.- SORTEO A CELEBRAR PARA A FORMACIÓN DAS MESAS ELECTORAIS DAS VINDEIRAS ELECCIÓNS AO PARLAMENTO DE GALICIA, CONVOCADAS POR DECRETO 174/2012, DO 27 DE AGOSTO.-Polo Presidente declárase aberta a sesión, tralo que se da conta da Lei Orgánica 5/1985, de 19 de xuño, do réxime electoral xeral, modificada polas Leis Orgánicas 2/1980, de 18 de xaneiro; 8/1991, de 13 de marzo, 6/1992, de 2 de novembro, e 13/94, de 30 de marzo, 3/1995 do 23 de marzo, Real Decreto 489/1995, de 3 de abril polo que se dictan normas reguladoras dos procesos electorais, Decreto 605/1999, 16-4, de regulación complementaria dos procesos electorais e Lei orgánica 2/2011 e 3/2011.

De conformidade co artigo 26 da Lei 5/1985, de 19 de xuño, do Réxime Electoral Xeral: 1).- A formación das Mesas compete aos Concellos baixo a supervisión das Xuntas Electorais de Zona. 2).- O Presidente e os Vogais de cada Mesa son designados por sorteo público entre a totalidade das persoas censadas na mesa da sección correspondente, que sexan menores de 70 anos e que saiban ler e escribir. O Presidente deberá ter o título de Bacharelato ou o de Formación Profesional de segundo grao, ou subsidiariamente, o de Graduado Escolar ou equivalente. 3).- Procédese da mesma forma o nomeamento de dous suplentes para cada un dos membros da Mesa. O artigo 25 da devandita Lei sinala que a Mesa Electoral está formada por un Presidente e dous Vogais.

A documentación existente neste Concello consiste en copias do Censo Electoral

Ordinario, pechado ao 29 de xuño de 2011, confeccionado pola Oficina Provincial do Censo Electoral, con listaxe de electores referidos ás Mesas dos Distritos e Seccións do termo municipal de Poio, Distrito Primeiro, Seccións 1ª a 8ª; Distrito Segundo, Seccións 1ª a 3ª, cun total de vinte e tres mesas electorais, divididas por orde alfabético xeral.

Os sistemas informáticos actuais permiten, a realización dun sorteo eficaz, rápido e transparente, seleccionando aos/ás electores/as que reúnan as condicións específicas a cada caso, sen necesidade da previa selección mediante a confección de listados por separado para presidentes e outros para vogais, ao facilitar a Oficina do Censo Electoral, o soporte magnético do Censo Electoral por Seccións.

Realizado o sorteo, os funcionarios/as, mediante o sistema informático, localizan aos electores que deben formar as mesas electorais de conformidade co sorteo efectuado cubrindo os impresos oficiais que se remitirán á Xunta Electoral de Zona, asinados polo Sr. Presidente e Secretario e que se unen como Anexo I.

Igualmente, e para posteriores excusas pola Xunta Electoral, realízanse dous sorteos máis que serán utilizados no caso de que non sexan suficientes os nomeamentos realizados no sorteo principal.

Seguidamente a Secretaria da lectura ao resultado do sorteo indicando os nomes e apelidos dos electores que deberán formar todas e cada unha das Mesas Electorais. O Pleno da Corporación considera correcto o sorteo efectuado sen formular observación ningunha, polo que lle presta conformidade, dispoñendo sexa remitido o resultado á Xunta Electoral de Zona.

E non habendo máis asuntos que tratar, polo Sr. Alcalde levántase a sesión ás dez, da que se redacta a presente acta, de todo o que eu, Secretaria acctal, dou fe.